

meni 16 a la custodia di Padoa,
 qu. sier Bernardo, oltra 250, . ducati 150
 Sier Lorenzo Zantani, fo podestà a
 Parenzo, qu. sier Antonio . . . » 150
 Sier Zuan Loredan, fo podestà a Porto
 Bufolè, qu. sier Tomaso . . . » 200

In questo Colegio, il primo di XL andò a oferir fo sier Benedeto Contarini, ducati 200, tolto XL. *Tamen* non rimase, fo soto.

Et volendosi aprir la porta per andar zoso, sier Marco da Molin el consier non si sentiva, et sier Marco di Prioli, electo governador, con tre soi parenti molti zoveni volse andar zoso, non stimando conti li fece far sier Francesco Bolani l'avogador di comun; el qual, domente si balotava, andò in renga con colera, et disse non era più ubedientia, narando che alcuni zoveni havea voluto andar zoso per forza, *spretis mandatis* officii sui, però meteria parte contra di loro. Et cussì messe una parte, la copia di la qual sarà posta qui soto, et li compagni Avogadori introno in opinion, e fu presa.

313 Die 24 Februarii 1515 (1516).

Sier *Franciscus Bolani*, sier *Franciscus da cha' da Pexaro*, sier *Alovisius Bono doctor, advocatores comunis*.

Sempre li nostri sancti progenitori hanno con ogni studio insudà et invigilà che la obedientia habi regnado in questa ben instituta Republicha, et maxime al magistrato de li Avogadori de comun, et però l'è da proveder, che, conzosia ch'el siano stadi alcuni desubedienti, temerarii et prosuntuosi zentilhomeni nostri, li quali, postposta ogni reverentia del magistrato de li Avogadori de comun, et, *quod pejus est*, non si hano *etiam* curado de obedir a le pene a loro imposte per li Avogadori de comun, siano stadi de tanta temerità et prosunzion, che domente el nobel homo sier Marco da Molin el consier e sier Matio di Prioli, qual è hora rimasto governador de l'intrade, et tre sui nevodi andaseno zoso de questo Major Consejo con licentia, siano andati *etiam* loro zoso de questo Consejo, con grave ignominia dil magistrato nostro. Et però l'anderà parte: che tutti quelli che sono andadi zoso de questo Consejo, exceptuando li predicti nobel homeni sier Marco da Molin el consier e sier Matio di Prioli et tre soi nevodi, se intendano esser cazudi a pena de pagar ducati 25 per chadauno, *et ulterius* privi per un anno di officio, be-

nefizio et de questo Mazor Consejo. La qual pena pecuniaria sia atribuita a l'hospital nostro de la Pietà. Et se in termene de zorni tre i se venirano a dar in nota a l'Avogaria de comun, siano solamente obligadi de pagar ducati 10 per cadauno da esser attribuidi *ut supra, hoc expresse declarato*, che se quelli venirano a dar in nota non manifesterano almen uno di quelli sarano andadi zoso, non habiano el beneficio de pagar i diti ducati 10, ma siano tenuti in *omnibus* a la parte sopradita.

De parte . . . 952

De non . . . 350

Non sincere . 22

Di campo, fo letere da Lonà, di sier Andrea 314^a

Griti procurator, provedador zeneral, di 21. Come eri monsignor di Lutrech li fece intender che li era venuto un zentilhomo da Milan per nome dil ducha di Barbon, qual era francese, a dirli che certo lo Imperador dovea calar con zente assai, e volea el mandasse el conte Piero Navaro a far l'adunanza a Crema per fortifichar quella terra, per poter far testa a li inimici li. Et lui provedador lo disuase, dicendo era meglio a Pontevegio e li ridurre in caso questi sguizari si calasseno. Et zercha questo, feno molti discorsi; *tamen* l'ha dito l'è per far quando l'haverà da Milan la verità. E per li avisi si ha, todeschi e sguizari sono per esser presto in campagna per socorer Brexa.

A dì 25 luni. Fo fato, di hordine dil Patriarcha nostro, la festa di Santo Mathia apostolo che fo eri, e si vardò per la terra. Et gionseno alcuni altri presoni feriti e mal conditionati, zercha 30. Fo ordinato mandarli a' hospitali fino i variseno.

Da poi disnar fo Pregadi, et vene queste letere, qual fu lecte:

Di Franza, di sier Zuan Badoer dotor et cavalier, da Lion, di 12. Dil zonzer li, et la Maestà regia si aspetava, et fevano preparamenti per honorarlo e si conzava strade, et saria fin tre zorni. *Item*, ha inteso esser avisi di Spagna freschi, quelle cosse esser in moto, e li grandi di Castiglia voleno per Re il signor don Ferando secondo genito di Borgogna, ch'è li in Franza, più presto che l'arziducha Carlo che è in Borgogna; e altre particolarità.

Da Milan, di sier Andrea Trivixan el cavalier, orator nostro, di 21. Dil suo zonzer li con pioza. Non li vene contra niun, perchè non li fece

(1) La carta 313* è bianca.